

جریدہ علیہ

مشیت جلیلہ اسلامیہ ناک جریدہ رسمیہ سید

ذی القعدہ ۱۳۳۷

عدو ۴۸

آیدہ بر نشر اول نور

بشخی سنہ

تشکیلی بوکرده عهده بندکانه مه حواله بیوریلان هیئت جدیده وکلا اسامیسی
بالاده عرض اولنان ذواتدن تشکیلی ایش اولغله کیفیت رهین تصدیق جلیل جناب
تاجداریلری اوله رق اشبو تقرر عاجزانه مک بالاسی خط هایون حضرت خلایق پناهیلریله
توشیح بیورلدینی حالده مشار الیه مک مأموریتلری اجرا و اعلان اولنه جنی محاط علم
عالی جناب پادشاهیلری بیورلدقده و قاطبه احوالده امر و فرمان حضرت ولی الامر

افدمنز کدر

۲۲ شوال ۱۳۳۷

۲۱ ربیع ۱۳۳۵

صدراعظم قوللری

داماد فرید



فت وای شریفه

زید رضاعاً قرنداشی عمروک نسباً قز قرنداشی هندی تزوج مراد ایتدکده هند
زیدک والدہ سی امش اولما یحقی هندی تزوج جائز اولورمی . **الجواب** . اولور .
بروقفدن خدمت مقابله سنده وظیفه متصرف اولان زید بر مدت اداء خدمت
ایتماسه اول مدتده وظیفه مستحق اولورمی ، **الجواب** . : اولماز .

زوجی اولیان هند فقیره نک لابون ارقرنداشی زیدموسردن غیر کیسه سی اولماسه
هندک نفقه سی زید اوزرینه لازمه اولورمی . **الجواب** . اولور .

زید عمرودن شو قدر غروش قرض آلوب استهلاک ایتدکدنصکره عمرو ویردیکی
غروشلرک مثلاً زیدنی زیددن طلب ایتدکده زید ویرمبوب مقابله سنه شو قدر منقر آل
دیمرکه قادر اولورمی . **الجواب** . اولماز .

زید ملک منزلی ثمن معلومه عمره بیع وتسلیم ایدوب لکن زیدک بیبی حجت اولنماسه
عمرو مجرد حجت اولنمادی دیو بیبی فسحه قادر اولورمی . **الجواب** . اولماز .

هند زوجی زید ایله مهری اوزرینه خلع وزید قبول ایتد کدنسکره زید تجدیدنکاح ایتدین هند ایله ازواج معامله سته قادر اولورمی . **الجواب . اولور .**

زید زوجه سی هندک لاب قرنداشی قزی زینی تزوج ایدوب هند ایله جمع ایتک جائز اولورمی . **الجواب . اولور .**

زید خیر ظن ایدرک بر فعلی ایشلمکک یمین ایلد کدنسکره اول فعلک شر و معصیت اولدینی تبیین ایتد کده زیده در حال توبه واستغفار لازم وحالا یمینی محافظه ده اصرار ایدر ایسه زید اتم اولورمی . **الجواب . اولور .**

بوصورته زیده شرعاً لازم کلان حث تحقیق ایتد کده کفارت یمین واجبه اولورمی . **الجواب . اولور .**

مدیوناً فوت اولان زیدک دیوتی ادا ترکه سی بین الورثه قسمت اوزرینه مقدم اولورمی . **الجواب . اولور .**

هندو اوغلاری زید و عمر و بکر و قزی زیدب قتیلاً فوت اولوب قنغیسی مقدم فوت اولدینی معلوم اولماسه مزبوره لدن هربری آخره وارث اولیوب هر برینک مالی ورثه احیاسنه ویرلمک لازم اولورمی . **الجواب . اولور .**

زید موقع حریده اعدا ایله محاربه ایتد کدنسکره مفقود اولوب حیاتی و ممانی معلوم اولماسه زیدک ممانی غالب ظن اوله حق مرتبه مدت مرورندن صکره موتی ایله حکم اولنق صحیح اولورمی . **الجواب . اولور .**

بوصورته زیدک مونه حکمک لحوق دنسکره زوجه سی هند بعد اتقضاء العده نفسی آخره تزویج و ورثه سی دخی ترکه سی مسئله میراثلری وجهله تقسیم ایتک قادر اولورمی . **الجواب . اولور .**

هند فقیره نک زوجی زید غائب اولوب نفقه نک تحصیل متعذر اولد قده پادشاه اسلام مدالله تعالی ظله علی مفارق الانام حضرتلری بومسئله ده مصلحت ناسه ارفق اولسی ملاحظه سته

بناءً مذهب جنبل اوزره قاضينك فسخ نكاح ايتمبيله حكمه امر بيورمش اولميرينه ميني
هندك طلبيله قاضي فسخ نكاح ايتمكه قادر اولورمي . **الجواب . اولور .**

زيد صغير فقيرك باباسنك باباسي عمروايه اناسي هنددن غيري كسنه سي اوليوب لكن
عمروموسر اولوب هندمعسره اولسه زيدك نفقه سي هند اوزرينه لازمه اوليوب يالكنز
عمرو اوزرينه لازمه اولورمي . **الجواب . اولور .**

زيد اناسنك رضاعاً قزقنداشي هندك نسباً قزقنداشي زيني تزوج جائز اولورمي .
الجواب . اولور .

زيد زوجهي هنده سي مهرك اوزرينه خلع ايتدم ديوب، لكن اول مجلسده قبول
ايتدين هند قالقوب آخر مجلسده قبول ايلسه خلع مزبور باطل اولورمي . **الجواب . اولور .**

بوصورتده خلع مزبوره بناءً هند زيددن مبانه اولورمي **الجواب . اولماز .**
زيد عمروك كندوده ودعت اولان شوقدر غروشن بغيرحق كندى مصارفه صرفله
استهلاك ايلسه زيد ضمان لازم اولورمي . **الجواب . اولور .**

زيد محتند زوجهي هندی بانياً تطلق ايتدكدنكره هندك عدتي اينچنده زيد فوت
اولسه هند زيد وارثه اولورمي . **الجواب . اولماز .**

هندصغيره فقيره نك لابوين عمي زيد موسردن غيري كسنه سي اولماسه هندك نفقه سي
زيد اوزرينه لازمه اولورمي . **الجواب . اولور .**

زيد رضاعاً خاله سي هندك نسباً قزي زيني تزوج جائز اولورمي . **الجواب . اولور .**
دارالحریده اسير اولان زيدك زوجهي هند نفسى عمروه تزوج ايلسه زيد
اسيرلكدن خلاص اولوب كلكده هندی عمرودن تفريق ايتديرمكه قادر اولورمي .
الجواب . اولور .

« سنی ترك ایتدم دیمك » طلاق زوجهده متعارف اولان بلده اهلایسندن زید زوجه
مدخول بهاسی هنده سنی ترك ایتدم دیسه هند زیددن مبان اولورمی . **الجواب . اولور .**
« زید رضاعاً اوغلی عمروك نسباً قز قرنداشی هندی تزوج ایتك جائز اولورمی .
الجواب . اولور .

زید صغیرك باهاسی عمرو هند بالفهینی هندك اذلسز زیده تزویج ایلسه عقد مزبور
صحیح اولورمی . **الجواب . اولماز .**

زفاف دوكونلرنده کلان هدیه لری احماسی کیمك ایچون کتوردکلرینی بیلدیرمشلر
ایسه انك اولوب بیلدیرماملر ایسه کندولرندن دخی سوال ممکن اولماسه عرف وعادته
رعایت اولنلق لازمه اولورمی . **الجواب . اولور .**

هند فوت اولوب زوجی زیدی وسائر ورثه سنی ترك ایتدکده هند ایله زیدك ساکن
اولدقلری منزله بولوب رجال ونسایه صالحه اولان اشیا ایچون زید بنمدر دیوب وسائر
ورثه هندکدر دیوب طرفینک ینه لری اولماسه قول زیدك اولورمی . **الجواب . اولور .**
زید صحتنده شو قدر غروشی اوغلی عمروکیره هبه وتسلیم ایتدکدنسکره زید فوت
اولسه سائر ورثه سی هبه یی طوتمامنه قادر اولورلری . **الجواب . اولمازلر .**

زید متوفانک زوجه سی هنده اولان مهر دینی ادا ترکه سنی بین الورثه قسمت اوزرینه
مقدم اولورمی . **الجواب . ولور .**

زید هندك ملك منزلی فضولاً عمروه بیع وتسلیم عمرو دخی زیدك فضولاً بیع
ایتدیکنی بیلورکن اشترا قبض ایدوب منزل مزبوره بنا احدات ایتدکدنسکره هند
بیعی بحیزه اولوب منزلی آلدقده عمرو احدات ایتدیکم بنیانی منبأ آلوب قیمتی باکه
ویر دیو زیده جبره قادر اولورمی . **الجواب . اولماز .**

زید زوجه سی هندك زوج آخری عمروك زوجه اخراسی زینبندن متولده قزی
خدیجه یی تزوج ایتك جائز اولورمی . **الجواب . اولور .**

هند زیدك قز قرنداشی زینبی مدت رضاعده ارضاع ایلسه زید هندك قزینك قزی
خدیجه یی تزوج جائز اولورمی . **الجواب . اولور .**

هند زوجی زید ایله مهری وزیددن اولان صغیر اوغلی عمروی کندی مالیدن اتفاق
ایتمک اوزره خلع اولوب لیکن مدت بیان اولماسه عمروهندك حضانة سنده اولمغه هند
عمروك نفقه سی زیددن آلمغه قادر اولورمی. **الجواب . اولور .**

برقریه نك خلقی کثیر اولوب اکبر مسجدلرینه جماعتی صیغتماسه اهالی قریه دن زید
اوله مسجدی جامع ایتدکده دروننده صلاة جمعه وعیدین اقامتی اذن سلطانی صدورینه
متوقف اولورمی. **الجواب . اولور .**

زید سنن و فرائضی اتمام ایله نمازدن فارغ اولدقدنصکره اوچ دفعه استغفار ایتمک
مستحب اولورمی. **الجواب . اولور .**

هند زوج مطلق زیددن اولوب حضانة سنده اولان صغیر اوغلی عمروك مالی اولمامقله
همرو ایچون زید اوزرینه شوقدر آنچه نفقه تقدیر ایتدیردکن صکره برمدت مرو زیدم
نسبه مقدره صغیرك نفقه سینه کفایت ایتماسه حالا هند مبالغه من بورا و زرینه صغیرك نفقه سینه
شود معروف کفایت مقدازی حاکمه زیاده ایتدیرمکه قادره اولورمی. **الجواب . اولور .**

زید هند حرمیه زنا ایدوب هندك برولدی اولسه اول ولدك نسبی زیددن ثابت
اولورمی. **الجواب . اولماز .**

بو صورتده زید فوت اولدقده اول ولدزیده وارث اولورمی. **الجواب . اولماز .**
زید هندی تروج ایتدکدنصکره قبل الدخول زید فوت اولسه هندزیده وارثه اولورمی.
الجواب . اولور .

زید آخر دیاره کتدکده عمرو زیدك زوج سی هندی زیدك امرائیز برمدت کندی
بالیه تبرعاً اتفاق ایله زید کلدکده عمرو مجرد زوج سی اتفاق ایلم دیو زیددن نفقه
پا نامه نسبه آلمغه قادر اولورمی. **الجواب . اولماز .**

زید متوالیمی اولدینی وقف خان مدت معلومه تمامه دك عمروه اجاره صحیحه ایله
مجار و تسلیم ایتدکدنصکره قبل تمام المده زید فوت اوله اجاره من بوره منفسخه اولورمی.
الجواب . اولماز .

زید متزلک بیوت متعدده سی اولفله زوجهری هند وزینی غلق و مرافقی بشقه
برر بتمده اسکان مراد ایتدکده هند راضیه اولیوب زیده بی مستقللاً بشقه منزلده
اسکان ایله دیو جیره قادره اولورمی . **الجواب . اولماز .**

هند قوت اولوب لاب قز قزنداشی زینی ومفقود اولان زوجی زیدی ترک ایتدکده
ترکه هندک نصفی زینه ونصف آخری زید ایچون قبل شرعدن قیم نصب اولنان کمنه
وبرله صحیح اولورمی . **الجواب . اولور .**

رئیس المسودین

۱۴ ذی القعدة ۱۳۳۷

احمد اسعد

علمیه بودجه سنک مستحقین علمیه تربیدن معاش آلان رجال ایله ایتام
وارامله ویریله جک اکمک بدلی حقتده قرارنامه

محمد وحید الدین

ماده : ۱ علمیه بودجه سنک مستحقین علمیه تربیدن معاش آلانک رب
قسمنه متقاعدین ومعزولنه قیاساً وایتام وارامل قسمنه دیگر معاشات ذاتیه اصحابی که
قرارنامه نك اوچنچی ماده سنه توفیقاً اکمک بدلی وریلور .

ماده : ۲ ۱۹ حزیران ۱۳۳۵ تاریخلی قرارنامه نك موقع مرعیه وضعی تاریخچه
معتبر اولان اشبو قرارنامه نك اجرای احکامنه مالیه ناظری مأموردر .
مجلس عمومینک اجتماعنده قانونیتی تکلیف اولتیق اوزره اشبو قرارنامه نك مو
مرعیه وضعی اراده ایلدم .

۱۶ ذی القعدة سنه ۱۳۳۷ ۱۳ اغستوس سنه ۱۳۳۵

مجلس وکلايه مأمور اعیاندن شیخ الاسلام وشورای دولت رئیس وکی صدر اعظم وخارجیه ناظر
توفیق مصطفی صبری دمامد فرید

نافه ناظری وتجارت وزراعت ناظر وکی مجلس وکلايه مأمور اعیاندن بحریه ناظری حریبه ناظر
عروق احمد علی رضا صالح خلوصی ناظم
اوقاف هایون ناظری معارف ناظری مالیه ناظری عدلیه ناظری داخلیه ناظری
محمد محمدی سعید توفیق مصطفی نوری عادل